

**Adroddiad i'r:** Pwyllgor Llywodraethu Corfforaethol ac Archwilio

**Dyddiad yr Adroddiad** 17 Mawrth 2021

**Aelod Arweiniol / Swyddog:** Y Cyngorydd Julian Thompson-Hill / Steve Gadd,  
Pennaeth Cyllid ac Eiddo

**Awdur yr Adroddiad:** Steve Gadd, Pennaeth Cyllid ac Eiddo

**Teitl** Ardystio Grantiau a Ffurflenni 2019-20 Cyngor Sir Ddinbych

## **1. Pwrpas yr Adroddiad**

1.1 Mae adroddiad o'r enw 'Ardystio Grantiau a Ffurflenni 2019–20 Cyngor Sir Ddinbych' wedi cael ei baratoi gan Swyddfa Archwilio Cymru (SAC) ac mae'n amgaaedig. Mae'r adroddiad yn nodi crynodeb o'r canlyniadau allweddol o waith ardystio Swyddfa Archwilio Cymru ar grantiau a ffurflenni'r Cyngor yn 2019-20.

## **2. Beth yw'r rheswm dros lunio'r adroddiad hwn?**

2.1 Mae Swyddfa Archwilio Cymru wedi gofyn bod yr adroddiad mewnol hwn yn cael ei gyflwyno gerbron y pwyllgor hwn yn flynyddol. Darperir yr adroddiad er gwybodaeth.

## **3. Beth yw'r Argymhellion?**

3.1 Argymhellir bod y Pwyllgor yn ystyried cynnwys adroddiad Swyddfa Archwilio Cymru. Bydd cynrychiolwyr Swyddfa Archwilio Cymru yn bresennol yn y cyfarfod i ateb cwestiynau mewn perthynas â'r adroddiad.

## **4. Manylion yr Adroddiad**

4.1 Mae adroddiad Swyddfa Archwilio Cymru yn nodi crynodeb o'r canlyniadau allweddol o waith ardystio Swyddfa Archwilio Cymru ar grantiau a ffurflenni'r Cyngor yn 2019/20, ac at ddefnydd mewnol Cyngor Sir Ddinbych. Mae'r adroddiad yn crynhoi'r canfyddiadau allweddol a'r argymhellion sy'n deillio o'r gwaith hwn.

Mae'r adroddiad yn canfod bod gan y Cyngor drefniadau digonol ar waith ar gyfer cynhyrchu a chyflwyno ceisiadau grant 2019/20. Mae nifer y grantiau sy'n cael eu harchwilio'n benodol gan Swyddfa Archwilio Cymru wedi gostwng yn ddramatig dros y blynyddoedd diwethaf, ond mae'r pedwar sy'n parhau yn gymhleth iawn ac yn cynnwys nifer fawr o drafodion a gwerth. Mae'n braf bod cyfanswm effaith diwygiadau i hawliadau a ffurflenni'r Awdurdod yn fach. Dylid nodi hefyd bod un o'r cymwysterau o ganlyniad i Swyddfa Archwilio Cymru yn methu â chynnal eu gwiriadau arferol oherwydd effaith Covid 19 yn hytrach nag unrhyw beth a ganfuwyd a oedd yn anghywir.

## **5. Sut mae'r penderfyniad yn cyfrannu at y Blaenoriaethau Corfforaethol?**

5.1 Mae Cyllid Grant yn hanfodol i ariannu gweithgarwch llywodraeth leol mewn nifer o feysydd. Mae adroddiad Swyddfa Archwilio Cymru yn helpu i roi sicrwydd bod trefniadau digonol yn eu lle o fewn y Cyngor i weinyddu'r broses grant.

## **6. Faint fydd hyn yn ei gostio a sut y bydd yn effeithio ar wasanaethau eraill?**

6.1 Mae'r ffioedd ar gyfer gwaith a wnaed gan Swyddfa Archwilio Cymru mewn perthynas ag ardystio grantiau a ffurflenni ar gyfer 2019-20 wedi eu cynnwys yn yr adroddiad.

## **7. Beth yw prif gasgliadau'r Asesiad o'r Effaith ar Les?**

Barn broffesiynol y Swyddog Adran 151 yw nad oes angen Asesiad o'r Effaith ar Les ar gyfer yr adroddiad hwn.

## **8. Pa ymgynghoriadau sydd wedi'u cynnal gyda Chraffu ac eraill?**

8.1 Mae Swyddfa Archwilio Cymru yn gweithio'n agos gyda Chyngor Sir Ddinbych drwy gydol y broses archwilio ac mae Cyngor Sir Ddinbych yn derbyn yr wybodaeth ddiweddaraf am unrhyw faterion sy'n codi o waith archwilio Swyddfa Archwilio Cymru.

## **9. Datganiad y Prif Swyddog Cyllid**

9.1 Mae adroddiad Swyddfa Archwilio Cymru ar grantiau a ffurflenni'r Cyngor at ddefnydd mewnol y Cyngor er mwyn helpu iddo ganolbwyntio ar unrhyw feysydd o risg neu wendid. Mae'n braf nodi bod yr adroddiad yn dod i'r casgliad bod gan y Cyngor drefniadau digonol ar waith. Mae'r ffioedd yn ymrwymiad cyllideb presennol i'r awdurdod.

## **10. Pa risgiau sydd ac a oes unrhyw beth y gallwn ei wneud i'w lleihau?**

10.1 Dylai'r broses archwilio amlygu unrhyw risgiau sylweddol ac ymateb y rheolwyr i fynd i'r afael â'r risg neu effaith, neu eu lleihau.

## **11. Pŵer i wneud y Penderfyniad**

11.1 Mae Adran 151 Deddf Llywodraeth Leol 1972 yn gofyn i'r Cyngor sefydlu trefniadau rheoli ariannol priodol. O dan Baragraff 20 o Atodlen 8 Deddf Llywodraeth Cymru 2006, bydd yr Archwilydd Cyffredinol, os yw'n ofynnol gan lywodraeth leol neu gorff arall sy'n derbyn grant, yn gwneud trefniadau ar gyfer ardystio hawliadau a ffurflenni.